

Вечером 14 марта

Изменяемое №1

На Господи воззвах:

Стѹх: Изведѹ из темницы дѹшу мою, исповѣдаться ѹмени Твоемѹ.

Стѹх: Менѣ ждѹт праведницы, дѡндеже воздаси мнѣ.

Стѹх: Из глубины воззвах к Тебѣ, Господи, Господи, услыши глас мой.

Стѹх: Да бѹдут ѹши Твоѹ внѣмлюще гласу молѣния моего.

Стѹх: Аще беззаконія нѣзриши, Господи, Господи, кто постоит; яко у Тебѣ очищѣние естъ.

Стѹх: Имене ради Твоего потерпѣх Тя, Господи, потерпѣ дѹшѧ моя в слово Твое, уповѧ дѹшѧ моя на Господа.

Стѹх: От стражи ѹтренняя до нѡщи, от стражи ѹтренняя, да уповѣет Израиль на Господа.

Глас 6. Вѣсь освящѣн,/ Богонѡсец показѧлся есѹ,/ мастию Божественною святоѹ/ Святѹм Дѹхом помѧзан,/ и свѣтло всегда ликѹя, святителю,/ во святѧя святѹх входѧ,/ и люди твоѧ, яко священнотайник,/ небесным тайнам научѹл есѹ,/ яко воистинну учитель избранен,/ ѡтче Арсение Богонѡсе,/ со дерзновѣнием моѧся/ о дѹшѧх наших.

Стѹх: Яко у Господа милость, и многое у Него избавлѣние, и Той избѧвит Израиля от всѣх беззаконий его.

Вѣсь от юности облистѧл есѹ/ житиѧ добродѣтелей лучѹю,/ всеблаженне святителю,/ и люди твоѧ просветѹл есѹ,/ и храм Пречѹстѧя воздвѹгл есѹ пречѹден./ И нѣне вселѹлся есѹ, идѣже Свет невечерний,/ идѣже ликостоянѧ Ангел,/ с нѣмиже предстоѧ, преподѡбне,/ поминаѹ нас, святителю Арсение,/ твоѹ пѧмѧть совершѧющих,/ со дерзновѣнием моѧся/ о дѹшѧх наших.

Стѹх: Хвалѹте Господа всѹ языцы, похвалѹте Его всѹ людие.

Святитель Богоприятен/ и пѧстырь истинен,/ столп непревратен,/ основѧние вѣры недвижимо,/ благочѣстѧя степѣнь непоколебѹмый,/ забрѧло Цѣркве нерушѹмое,/ святителей добрѡта/ и чудес истѡчник,/

Арсéние, был есѣ./ Тем тя ублажа́ем благочестѣвно/ пѣньми и пѣсньми духо́вными/ и всесвященную соверша́ем па́мь твою́.

Стѣх: Я́ко утверди́ся ми́лость Его́ на нас, и ѱстина Господня пребыва́ет во вѣк.

Со́лнца светлѣйши/ просия́ нам па́мь тво́я,/ святѣтелю Арсéние,/ вседóблїй óтче священне,/ сего́ ра́ди тя ублажа́ем, Богомúдре,/ и моле́бно воспева́ем,/ я́ко показáлся есѣ земли́ на́шей чудотворец,/ и моле́бник, и предста́тель теплѣйший./ Тем моли́ся Христу́ Бо́гу/ изба́виться ста́ду тво́ему от навета вра́жия,/ е́же стяжа́л есѣ, мúдре,/ моли́твами тво́ими.

Сла́ва, глас 6: Приидѣте, вси Россѣйскїя митропо́лии,/ вся́ко о́течество, гра́дове и страны́,/ архиере́е, иере́е, и мона́си,/ и вси лю́дие, и всяк язы́к,/ стеце́мся к честнѣй па́мь святѣтеля пресла́вно на́шея земли́,/ днѣсь в пѣснях и пѣниих восхва́лим вели́каго па́стыря и учѣтеля,/ Арсéния Богомúдраго,/ сей бо измла́да желáние Божѣственно приѣм в се́рдцы своѣм/ и возлюбѣв Христа́ и Пречѣстную Его́ Ма́терь,/ Ёйже и обѣтель сотвори́,/ и храм че́стен созда́,/ и вельми́ украсѣ, и мно́жества мона́хов собра́./ Тѣмже твоѣ прáзднуем успѣние,/ вси вѣрнии, óкрест стоя́ще тво́ея ра́ки,/ моле́бно к тебѣ ру́це простира́ем,/ святѣтелю Арсéние:/ моли́ся Христу́ Бо́гу о ча́дех твоѣх/ и о всех, любóвию прáзднующих/ честну́ю па́мь твою́.

И ны́не, Богородичен: Кто Тебе не ублажит, Пресвятая Дево;/ кто ли не воспое́т Тво́его Пречиста́го Рожде́ства;/ безлетно бо от Отца возсия́вый Сын Единородный,/ Тойже от Тебе, Чисты́я, пройде,/ неизреченно вопло́щся,/ естеством Бог Сый,/ и естеством быв Человѣк нас ради;/ не во двою лицу разделя́емый,/ но во двою естеству/ неслитно позна́ваемый./ Того моли, Чистая Всеблаженная,/ поми́ловаться душам нашим.

<далее см. основной Чин>

Изменяемое №2

Прокѣмен после «Свѣте тѣхий»: *См. Прокимен дня <далее см. основной Чин>*

Изменяемое №3

Паримии:

Прѣтчей чтѣние (главы́ 10, 3 и 8):

Па́мьять пра́веднаго с похвала́ми,/ и благослове́ние Госпо́дне на гла́ве егó./ Блаже́н челове́к, и́же обре́те прему́дрость,/ и сме́ртен, и́же уве́де ра́зум./ Лу́чше бо сию́ купова́ти,/ не́жели зла́та и серебра́ сокрови́ща./ Честне́йшая же е́сть ка́мений многоце́нных,/ все же честное́ недостóйно ея́ е́сть./ Долгота́ бо дней и ле́та живота́ в десни́це ея́,/ в шу́йце же ея́ бога́тство и сла́ва./ От уст ея́ исхо́дит пра́вда,/ зако́н же и ми́лость на язы́це но́сит./ Послу́шайте у́бо мене́, о ча́да,/ честна́я бо реку́,/ и блаже́н челове́к, и́же пути́ моя́ сохранит:/ исхо́ди бо мой – исхо́ди живота́,/ и уготовля́ется хоте́ние от Го́спода./ Сего́ ра́ди молю́ вас/ и предлага́ю мой глас сыновóм челове́ческим,/ я́ко аз, прему́дрость, устро́их сове́т/ и ра́зум, и смысл аз призва́х./ Мой сове́т и утвержде́ние,/ мой ра́зум, моя́ же кре́пость./ Аз мене́ любя́щий люблю́,/ и́щущии же мене́ обря́щут благода́ть./ Разуме́йте у́бо, незло́биви, кова́рство,/ ненака́занный же, прилага́йте се́рдца./ Послу́шайте мене́ и па́ки, честна́я бо реку́,/ и отве́рзу от усте́н пра́вая,/ я́ко и́стине поучи́тся горта́нь моя́,/ ме́рзки же предо мно́ю устны́ лжи́выя./ С пра́вдою вси глаго́лы уст мои́х:/ ничто́же в них стро́потно, ниже́ развраще́нно./ Вся пра́ва су́ть разумева́ющим/ и про́ста обрета́ющим ра́зум./ Науча́ю бо вас и́стине,/ да бу́дет о Го́споде наде́жда ва́ша,/ и испо́лнитеся Ду́ха.

Притчей чтение (главы 10 и 11):

Уста́ пра́веднаго ка́плют прему́дрость,/ язы́к же непра́веднаго поги́бнет./ Устне́ муже́й пра́ведных ка́плют благода́ти,/ уста́ же нечестíвых развраща́ются./ Ме́рила льсти́вая – ме́рзость пред Го́сподем,/ вес же пра́ведный приятен Ему́./ Иде́же а́ще вни́дет досаждéние, та́мо и безче́стие,/ уста́ же смире́нных поуча́ются прему́дрости./ Соверше́ние пра́вых наста́вит их,/ и поползнове́ние отрица́ющихся упасе́т их./ Не по́льзуют имéния в де́нь я́рости,/ пра́вда же изба́вит от сме́рти./ Умер пра́ведный, оста́ви раская́ние,/ нару́чна же быва́ет и посмея́тельна нечестíвых па́губа./ Пра́вда непоро́чнаго исправля́ет пути́,/ в нече́стие же па́дает непра́вда./ Пра́вда муже́й пра́вых изба́вит их,/ безсовéтием же пленя́ются беззакóнию./ Сконча́вшуся му́жу пра́ведну, не поги́бнет наде́жда,/ похвала́ же нечестíвых поги́бнет./ Пра́ведник от ло́ва убе́гнет,/ в

негóже мѣсто предаѣтся нечестѣвый./ Во устѣх нечестѣвых сѣть гра́жданом./ чѹвство же прáведных благоспѣшное./ Во благѣх прáведных исправится град./ и в погѣбели нечестѣвых рáдование./ Во благословѣнии прáвых возвы́сится град./ усты́ же нечестѣвых раскопáется./ Ругáется гра́жданом лишѣнный рáзума./ муж же мѹ́дрый безмóлвие вóдит.

Премѹдрости Соломóни чтѣние (глава́ 4):

Прáведник áще пости́гнет скончáтися, в покóи бѹдет./ Стáрость бо честнá не многолѣтна./ ниже́ в числѣ лет исчитáется./ Седѣ́на же е́сть мѹ́дрость челове́ком./ и вóзраст стáрости – жити́е несквѣрное./ Благоу́годен Бóгови быв, возлю́блен бѣ́сть/ и живѣ́й посреде́ грѣшник преста́влен бѣ́сть./ Восхищѣ́н бѣ́сть, да не злóба изменѣ́т рáзума егó/ или́ лѣ́сть прельсти́т дѹшу егó./ Рачѣ́ние бо злóбы помрача́ет дóбрая/ и парѣ́ние пóхоти пременя́ет ум незлóбив./ Скончáвся вма́ле, испóлни лѣ́та дóлга./ у́годна бо бе Гóсподеви душá егó./ сегó рáди потщáся от среды́ лука́вствия./ Лѹ́дие же вѣ́девше и не разуме́вше./ ниже́ полóжше в помышлѣ́нии таковóе./ я́ко благодáть и мѣ́лость в преподóбных Егó/ и посещѣ́ние во избрáнных Егó.

<далее см. основной Чин>

Изменяемое №4

Лития глас 2:

Ум преподóбен, я́ко прѣ́сно к Бóгу внима́ющ./ свобóден же и самоизвóлен, я́ко страстьми́ непорабо́щен./ дѹшу чѣ́сту имѣ́я./ сѣ́рдце мѣ́лостивно и слезáми умили́нно./ тѣ́ло же моли́твами к Бóгу служѣ́бно./ притяжа́л есѣ́, Арсѣ́ние святѣ́телю./ слóво мѹ́дростно и смире́нно./ Вѣ́сь от ю́ности благона́равием Христѹ́ усво́ися./ от Негóже святѣ́тельства досто́инство прия́л есѣ́./ и лѹ́ди твоѣ́ упáсл есѣ́./ и Правослáвием обогати́л есѣ́./ Ны́не я́ко предсто́я Христѹ́ Бóгу./ от вся́ких нас бед избáви/ и спасѣ́ душѣ́ на́ша.

Глас 4: Евáнгельских исто́чник словесы́ твоѣ́ми, святѣ́телю./ людѣ́й твоѣ́х сѣрдцá напо́ил есѣ́./ и сѣ́мя благоче́стия в них моли́твами твоѣ́ми возрасти́л есѣ́./ и сих принѣ́сл есѣ́ Христѹ́ плод изря́ден./ И ны́не я́ко предсто́я у Негó с ли́ки апóстол и святѣ́тель./ помина́й нас

к Немѹ молѣтвами твоѣми/ и сохранѣ нас от всякаго озлобленія,/ совершающих вѣрою пámять твою.

Апóстольскаго престóла сподóбился есѣ,/ святѣтельство приѣм, святѣтелю Арсѣние,/ ты бо украсѣл есѣ цѣрковь Мáтере Госпóдни/ и угóдников Ея, Антóния и Феодóсия./ В нѹже мы нýне, чáда твоя, притекáюще/ и лѣки составляюще,/ тебѣ восхваляем, я́ко отцá чадолѹбѣва,/ и молѣбне к тебѣ рѹце простира́ем:/ моли́ся о нас Христѹ́ Бóгу/ и Пречѣстей Егó Мáтери,/ о ѣже вѣрою и любóвию тебѣ почитáющих.

Слáва, глас 8: Всяк язýк да почудѣтся нýне/ о преслáвных велѣчиих Бóга нáшего,/ и всяка устá да подвѣжутся на похвалѣние/ и да воспоѹт Христа́ Бóга,/ я́ко в послѣдняя времена́ и рóды/ таковá нам произведѣ светѣльника велѣкаго,/ святѣтеля присноблажѣннаго Арсѣния./ Тѣмже вопи́ем емѹ:/ рáдуйся, упасýй Цѣрковь Христóву и лю́ди твоя,/ сегó рáди нýне на Небесѣх в селѣнии водворя́еши;/ рáдуйся и ты, Богохрани́мый гра́де Твѣрь,/ я́ко таковá имѣя в себѣ пожѣвша святѣтеля,/ веселѣ́тся и вы, лю́дие сегó гра́да,/ я́ко таковá святѣтеля и учѣтеля сподóбистесь прия́ти;/ рáдуйся и веселѣ́ся, Бóжия Мáтере цѣрковь,/ я́ко любѣмый тобóю в тебѣ почѣл е́сть/ Богомѹдрый Арсѣний./ Но, о Богоблажѣнный óтче!/ Не престáй моля́ся/ о ѣже вѣрою чтѹщих всечестнóе твоѣ преставлѣние.

И нýне, Богорóдичен: Владычице, прими молитвы раб Твоих/ и избави нас/ от всякия нужды и печали.

<далее см. основной Чин>

Изменяемое №5

По полиелѣи седáлен **глас 8:**

Мѣлостивому Христóву угóднику, незлóбивому и крóткому,/ вси тебѣ прилѣ́жно мо́лимся/ и любóвию зовѣм:/ рáдуйся, святѣтелю Арсѣние,/ украсѣвый храм Бóжия Мáтере/ и угóдников Ея Антóния и Феодóсия./ С нѣмиже моли́ Христа́ Бóга грехóв оставлѣние даровáти/ чтѹщим любóвию святѹю пámять твою.

Слáва, и нýне: Егдá приѣдет судѣти всей землѣ́ всех Влады́ка и Творѣ́ц,/ овцáм мя причти деснýм, осуждѣ́ннаго,/ и кромѣ́шня тьмѣ́ и всякаго мучѣ́ния/ Твоегó непотрѣ́бнаго раба́ исхитѣ́, молю́ся,/ да

благодарно величаю богатство Твоея бла́гости, Богоро́дице Всенепоро́чная,/ и вопию́ Ти, ра́дуясь:/ моли́ся Христу́ Бо́гу прегреше́ний оставле́ние да́ти мне,/ Тебе́ бо има́м наде́жду, раб Твой.

Изменяемое №6

Степе́нна, 1-й антифо́н 4-го гла́са.

Прокі́мен *глас 4:* Свяще́нницы Твой облеку́тся в пра́вду,/ и преподо́бнии Твой возра́дуются. *Стих:* Помяни́, Го́споди, Дави́да и всю кро́тость его́.

<далее см. основной Чин>

Изменяемое №7

По 50-м псалме́ стихі́ра *глас 6:*

Ду́ха Свята́го благода́ты/ в твои́х устна́х изли́йся, о́тче,/ и был еси́ па́стырь Христо́вы Це́ркве,/ уча́ словесны́я о́вцы/ ве́ровати в Тро́ицу Единосу́щную,/ во Еди́но Божество́.

<далее см. основной Чин>

Изменяемое №8

Кано́н святы́теля Арсе́ния *глас 2.*

Пе́снь 1

Ирмо́с: Гряді́те, лю́дие,/ поім пе́снь Христу́ Бо́гу,/ раздѣльшему мо́ре и наста́вльшему лю́ди,/ яже изведе́ из рабо́ты египетския,/ я́ко просла́вился.

Свѣте от Свѣта, Христѣ́ Бо́же, от Отца́ прѣжде век рождѣ́йся/ и исконі́ Сый со Отце́м и Ду́хом,/ мрак душі́ моея́ отгна́в, озари́ ум мой, молю́ся,/ я́ко да возмогу́ пе́ти Твоего́ уго́дника, Арсе́ния свяще́ннаго.

А́ще и челове́к еси́ естество́м, о́тче,/ но а́нгельски на земли́ пожи́л еси́,/ десна́го пути́ от ю́ности е́мься, целому́дрия рачі́тель быв,/ Ду́ха Свята́го честное́ обителище, Арсе́ние свяще́нне, яви́лся еси́.

Му́дрости главі́зну, страх Бо́жий возлюбі́в/ и за́поведей Его́ прі́сно поуча́ясь,/ дре́во насади́ся при исхо́дищах вод духо́вных,/ от нихже, о́тче, напо́яемь, плод Христу́, Арсе́ние, прине́слся еси́.

Богоро́дичен: Услы́ша Ё́ва прамáти, Чі́стая:/ в печа́лех роди́ши ча́да./ Ты же, Де́во, услы́шала еси́:/ Госпо́дь с Тобо́ю, ра́дуйся,/ и ра́дованным гла́сом, Богоневѣ́сто, печа́ль прамáтере потре́бльши.

Пе́снь 3

Ирмós: На ка́мени мя ве́ры утверди́в,/ разшири́л еси́ уста́ моя на враги́ моя,/ возвесели́ бо ся дух мой, внегда́ пѣти:/ несть свят, якоже Бог наш,/ и несть пра́веден, па́че Тебе́, Го́споди.

Презрэв ни́жняя, яко попира́ема,/ и любо́вь роди́телей преоби́дев, Христа́ взыска́л еси́,/ Егóже любо́вию ду́шу твою́ уязви́л еси́,/ Того́ любя́ и Того́ ища́ красото́й.

Свети́льник сый, твою́ ду́шу украша́я слеза́ми,/ ра́но ко Христу́ у́тренюя,/ ру́ку же простѣртием в моли́твах, Амали́ка те́ло умертви́л еси́/ и на го́ру безстра́стия возше́л еси́.

Благоро́дием высо́к и благоду́шием изя́щен,/ ра́зума му́дростию удиви́лен был еси́,/ цвет яко прекра́сный, чистото́ю сия́я,/ и све́тлым смире́нием, Арсе́ние о́тче, украси́лся еси́.

Богоро́дичен: Ма́ти Бо́жия, Пречи́стая, Благослове́нная и Пренепоро́чная,/ души́ моея́ стру́пы исцели́ и стра́сти плотскія умертви́,/ умири́ ум мой, от вся́каго вре́да/ и вра́жия напа́сти изми́ мя, Влады́чице.

Седáлен, глас 4: Вели́кий Христóв святите́ль да воспо́ется,/ столп све́тлый, просвеща́яй нас чудес светлосты́ми,/ Богоно́сный о́тче наш Арсе́ние,/ па́стырю и учи́телю земли́ на́шея,/ Христа́ моли́ о ста́де твоём/ и о всех, ве́рою и любо́вию чту́щих святу́ю па́мять твою́.

Сла́ва, и ны́не: Поём Тя, Богоневéсто, Ма́ти Христа́ Бо́га, сла́вяще рождество́ Твое́ непостижи́мое,/ имже изба́вихомся от ле́сти диа́воли и вся́кия бе́ды, Богоро́дице Влады́чице, и ве́рно вопи́ем:/ поми́луй ста́до Твое́, Еди́на Всепе́тая.

Пѣснь 4

Ирмós: Пою́ Тя, слухом бо, Го́споди, услы́шах и ужасóхся:/ до мене́ бо и́деши, мене́ ища́, заблуждшаго./ Тем мно́гое Твое́ снизхожде́ние, е́же на мя,/ прославля́ю, Многоми́лостиве.

Вельми́ украси́л еси́ престóл твой, святите́лю Арсе́ние,/ вели́кими бо чудесы́ преспéл еси́ и жити́ем све́тлым,/ сего́ ра́ди превели́кий Бог наш вельми́ тя просла́ви.

Мѣлости Подателя Гѣспода вѣдый, блаженне,/ тепле Егѣ умолил еси/ на исцелѣние и спасѣние многим, с вѣрою к тебѣ притекающим/ и в поможь ты призывающим.

Врача изрядна различно недугующим/ и наставлѣние всем, прельщенным злым советом,/ Христѣ ты дарова, чудотворца земли нашей, святителя Арсѣния,/ темже ты ублажаем.

Богородичен: Исцелила еси сокрушѣние, Всенепорѣчная, древняго окаянства земленых,/ породжающая Гѣспода и Царя Христа, понѣсшаго недуги наша/ за благосѣрдие неизглаголанное, Дѣво Мати.

Пѣснь 5

Ирмос: Просвѣщѣние во тмѣ лежащих,/ спасѣние отчаянных,/ Христѣ, Спасе мой,/ к Тебѣ утренюю, Царю мѣра,/ просвети мя сиянием Твоим,/ иного бо, разве Тебѣ, бѣга не знаю.

Славный пастырь,/ неистощимый источник исцелѣния,/ церковный столп, верных утверждѣние,/ великий светильник многосвѣтлый, святителю Арсѣние.

Яко светозарно житиѣ, яко зело чудно,/ яко краснѣ трудове твои,/ яко велика благодать свѣше дана ти, мудре,/ сего ради вѣрою почитаем ты, святителю Арсѣние.

Пресвѣтлая твоя пѣмать простирается в мѣре/ и просвѣщает человѣческия души свѣтом благодати;/ юже совершающих любовь,/ от бед нас избави, молимся, святителю Арсѣние.

Богородичен: Се одр Соломонов, егѣже обстоят сильнии,/ Богодухновенных писаний нынѣ прорицѣния,/ на немже Христѣ Бог воплощѣнием почил ѣсть,/ Благословѣнная и Обрадованная.

Пѣснь 6

Ирмос: В бѣзднѣ грехѣвней валяясь,/ неизслѣдную милосѣрдия Твоегѣ призываю бѣздну:/ от тли, Бѣже, мя возведи.

Светильника ты сущи во тмѣ прѣлести,/ нелѣстно наставляюща, обрѣтше, к путѣм животѣ, Богоблаженне Арсѣние./ И нынѣ по смѣрти врач явился еси болящим/ Духа Божѣственной благодатию.

Зако́ном повиную́ся Влады́чним, заблуждши́я взыска́л еси́/ и во огра́ду покая́ния привёл еси́,/ я́ко па́стырь и́стинен показав́ся ста́ду твоemú,/ о́тче святите́лю Арсе́ние.

Свяще́ния храм, о́тче, Божественна́го Ду́ха ве́рою быв,/ созда́л еси́ храм Пречи́стыя Ма́тере Бо́жия и Ея́ угодни́ков, Анто́ния и Феодо́сия,/ и оби́тель пречу́дну сотвори́л и украси́л еси́,/ в не́йже те́ло твоё́ положи́ено бы́сть.

Богоро́дичен: **Зако́ни о Тебе́ пресла́вно, Де́во, обновля́ются:/ ражда́еши бо без се́мене Бо́га Спа́са/ и пребыва́еши, де́вствующи па́ки, стра́нно чу́до./ Тем Тя, Ма́терь Емману́илеву, благоче́стно испове́дуем.**

Конда́к, глас 8: **Восприе́мши ра́достно честны́я тво́я мо́щи пречи́стая це́рковь,/ в ню́же че́стно вноси́мы мно́жеством священномона́хов и кня́зи благове́рными,/ и я́же прие́мши, я́ко сокро́вище многоце́нное./ Те́мже и мы ны́не, тво́ея огра́ды словесны́я о́вцы,/ о́крест ра́ки тво́ея предстоя́ще,/ любе́зно вопие́м ти:/ не забу́ди ча́д твои́х, о́тче,/ ихже му́дре собра́л и возлюбил еси́,/ я́ко да зове́м ти:/ ра́дуйся, святите́лю Арсе́ние, па́стырю и учи́телю наш.**

И́кос: **От скве́рных усте́н, от нечи́ста се́рдца,/ ка́ко ти принесу́ хвале́ния, ока́янный?/ Ужаса́юся и трепещу́,/ но, наде́ясь на тво́й благосе́рдный нрав, о́тче,/ хвалу́ ти прино́сим, глаго́люще:/ ра́дуйся, па́стырю наш до́брый, святите́лю Арсе́ние,/ упасы́й ста́до Христо́во;/ ра́дуйся, дивны́й чудотво́рче,/ притека́ющим к тебе́ с ве́рою неоску́дно исцеле́ние подава́я;/ ра́дуйся, це́рквам воздви́жение и ино́ков любите́лю,/ си́рым и ни́щим подате́лю;/ ра́дуйся и ты, Богохрани́мый гра́де Тве́рь,/ я́ко такова́ име́ в себе́ пожив́ша святите́ля;/ ра́дуйся и весели́ся, Бо́жия Ма́тере це́рковь,/ я́ко люби́мый Тобо́ю в тебе́ почи́л е́сть Богому́дрый Арсе́ний./ Но, о Богоблаже́нне о́тче!/ А́ще и те́лом преше́л еси́ от нас,/ но ду́хом пребыва́я с на́ми,/ и моли́ся за ны Христу́ и Пречи́стей Его́ Ма́тери/ с Ея́ угодники, Анто́нием и Феодо́сием,/ и спасай пою́щих тя, да зове́м ти:/ ра́дуйся, святите́лю Арсе́ние, па́стырю и учи́телю наш.**

Пѣснь 7

Ирмос: Богопротѣвное велѣние беззаконнующаго мучителя/ высокъ пламень вознесло есть;/ Христос же простре Богочестивым отроком росу духовную,/ Сый благословен и препрославлен.

Вѣшній Царю и Вседержителю,/ молитвами Твоего угодника жизнь умирѣ всем, Слове, христианом,/ пособствуя на варвары благоверным,/ да Тебѣ, Христѣ, зовѣм:/ благословен Бог отецъ наших.

Престолу предстоя Божію, святителю Христовъ Арсѣние,/ молѣти прилѣжно не престаѣй о нас, твоихъ рабѣх,/ да огня вѣчнаго избавимся/ и всякаго озлобленія, от враг находящаго, твоими молитвами.

Исцеленія подаваяши всюду верою к тебѣ притекающим, святителю Арсѣние./ Тѣмже молим тя, твой рабѣ:/ печаль нашу в радость преложѣ/ и от всякаго избави скорби твоими молитвами.

Богородичен: Страсти моего сердца исцели милостию Твоею, Всепетая,/ ум мой умирѣ, и душу мою просветѣ,/ и ходѣти мя направи на стезю спасительную,/ яко да пою Тя, Препетая.

Пѣснь 8

Ирмос: В пещь огненную ко отроком еврейским снишедшаго/ и пламень в росу преложшаго Бога,/ пойте, делая, яко Господа/ и возносите во вся вѣки.

Устроив твою жизнь боголепно, святителю Арсѣние,/ строитель изряден показался еси твоей обители/ и свѣтло пріятелище Божіе.

Чудесъ глубина и исцелений река,/ источникъ непрестанен, струя, никакоже оскудеваема,/ твоя рака показася, отче.

Иже к Богу молитвами твоими теплыми/ очисти нас от всяка скверны, и скорбей, и болезней/ и всякия нужды, святителю Арсѣние, избави.

Богородичен: Пресвятая Дѣво, Ты мя спасѣ/ и немощи моеѣ буди помощь,/ скорбей многих и лютыхъ мя избави,/ да Тя славлю, Едину Богородицу.

Пѣснь Богородицы: Величит душа моя Господа: <см. основной Чин>

Пѣснь 9

Ирмос: Безначальна Родителя Сын, Бог и Господь,/ воплощся от Девы, нам
явися,/ омраченная просвети, обрати расточенная./ Тем Всепетую
Богородицу величаем.

Чудеса бо твоя многа и исцеления безчисленна/ неизвестно
подаваяши с теплою верою приходящим,/ Арсение святителю,
похвала земли нашей.

Постави тебе Христос Матере Своей церкви/ столпа крепка и
неподвижима,/ соблюдающая и назирающая град твой неподвижим/ и
святую обитель Свою.

Святители убо и князи благочестивии,/ священники и иноцы и вси
людие,/ мужи и жены, и старцы со младенцы,/ и всяк возраст, и
всяко состояние,/ святителю нашему Арсению светло празднуем.

Богородичен: Моли Твоего Сына, Госпоже Пречистая Богородице,/
избавити мя в день страшного осуждения,/ да, радуясь, песнями
величаю Тя.

<далее см. основной Чин>

Изменяемое №9

Светилен:

Восхвалим днесь песнями великаго пастыря и учителя, Арсения
Богомудраго:/ сей бо измлада возлюбил Христа и Пречистую Его
Матерь,/ с Неоюже ныне молит Христа Бога помиловати души наша.

Богородичен: Иже от Бога миру поданым благим Ты вина была еси,
Богородице,/ но и ныне милостива сотвори о общем спасении
благопремэннаго Бога.

<далее см. основной Чин>

Изменяемое №10

На стиховне стихиры глас 8:

Отче святителю Арсение,/ окрилив ум к Богу верою,/ мирскаго
смешения/ возгнушался еси неуставнаго,/ и, крест твой возмем,/
Всевидцу последовал еси,/ и любитель монахов был еси изряден./
Сего ради святительскаго престола прияти сподобился еси,/ тем не
престай моляся о душах наших.

Стих: Честна пред Господом/ смерть преподобных Его.

Отче святителю Арсение,/ ты от утробы к Богу/ приблизил еси
твой ум/ и весьма прилежал еси Царю Вседержителю,/ плоды

достойны принося Емѹ/ от твоих подвигов, святителю,/ соукрашаемы добродетельными венцы./ Тем благих обрел еси/ восприятие, досточудне.

Стих: Блажен муж, бояйся Господа,/ в заповедех Его восхощет зело.

Отче святителю Арсение,/ ты монахом наказатель/ и Российстей земли звезда пресветлая,/ осиявая чудесы всю сию страну,/ ты бо избра Бог от юности, отче,/ пастыря овцам словесным и учителя./ Тем молися о нас/ с лики святителей/ и проси стаду твоему грехов оставления.

Слава, глас 6: Яко всечестный конец успения твоего/ и еже отшествие твое ко Господу/ уведевше благочестивии князи,/ и священномонаси, и вси людие,/ вземше честное тело твое,/ принесоша тобою в Богозданную церковь Пречистыя Божия Матере./ Сия видевше, монаси твоея обители,/ любимая тобою чада, притекше/ и узревше тебе мертва на одре,/ плачущеся горько и, одр слезами обливаяще,/ велегласно тебе вопияху:/ увы нам, пастырю наш добрый!/ К кому уже прибегнем?/ Кто нас посетит?/ Кто нашу нищету удолит?/ Кто бо таков бысть, якоже ты, любезен монахом?/ Кому нас оставляеши, любимый наш отче Арсение?/ Аще и телом отшел еси от нас,/ но духом пребывай с нами, посещая нас,/ и молися за ны ко Господу и Пречистой Его Матери,/ верою и любовью память твою почитающих.

И ныне, Богородичен: Богородице, Ты еси лоза истинная,/ возрадившая нам Плод живота,/ Тебе молимся:/ молися, Владычице, со святыми апостолы/ помиловати души наша.

<далее см. основной Чин>

Утром 15 марта

Изменяемое №11

По 1-м стихословии седальны *глас 8:*

Лесть мира, и богатства светлость,/ и высокую любовь родителей пребидев,/ смирением же к нищете учащему Владыце Христу последовал еси,/ от Негоже пощением и молитвами истинное богатство,/ и сущую светлость, и Царство недвижимо, святителю

Арсéние, наслéдовал есѣ./ К Немѹже ны́не моли́ся/ грехѡв оставлéние подáти/ чтѹщим любѡвию святѹю пáмьятъ твою́.

Слáва, и ны́не, Богорѡдичен: <далее см. основной Чин>

Изменяемое №12

По 2-м стихослѡвии седáльны *глас 3:*

Добродéтелей дéланием цéркви возсия́л есѣ вели́кое со́лнце/ и учéнием словéс твоѣх просветѣ́ лю́ди твоѧ./ Тéмже и по успéнии несконча́ему благодáть прия́л есѣ,/ святѣ́телю Арсéние, моли́ Христá Бѡга/ даровáти нам вéлию мѣлость.

Слáва, и ны́не, Богорѡдичен: <далее см. основной Чин>

Изменяемое №13

Тропа́рь *глас 8:*

Благочéстно пожѣв во святѣ́тельстве,/ лю́ди просветѣ́л есѣ учéнием твоѣм,/ и о хра́ме Пречѣ́стѧ вельмѣ́ подви́зався,/ и любѣ́тель мона́хов быв,/ сегѡ́ ра́ди от Христá па́ствы твоеѧ́ вене́ц прия́л есѣ./ Тéмже, я́ко апѡсто́льскаго престо́ла наместника/ и святѣ́теля вели́каго чтѹ́ще тя, мо́лим, ча́да твоѧ́, блаже́нне:/ от всех бед изба́ви нас я́же ко Христѹ́ моли́твами твоѣми,/ святѣ́телю Христѡ́в Арсéние, ѡ́тче наш.

<далее см. основной Чин>

Изменяемое №14

На хвалѣ́тех стихи́ры:

Стѹх: Сотвори́ти в них суд на́писан./ Слáва сия́ бѹдет всем преподо́бным Егѡ́.

Стѹх: Хвалѣ́те Бѡга во святы́х Егѡ́,/ хвалѣ́те Егѡ́ во утверже́нии си́лы Егѡ́.

Стѹх: Хвалѣ́те Егѡ́ на си́лах Егѡ́,/ хвалѣ́те Егѡ́ по мно́жеству вели́чества Егѡ́.

Глас 2. Кѣ́ими похва́льными венцы́/ увязéм святѣ́теля?/ Благочéстѧ управлéние, целомѹ́дрѧ рачѣ́теля,/ свѣ́тлое Цéркве украше́ние,/ исто́чника Божéственных исцелéний,/ пролѣ́тие даровáний духо́вных,/ реку́ мно́гих чудéс,/ зéмлю на́шу веселя́щу,/ дѣ́внаго чудотворца́ Арсéнѧ,/ предста́теля на́шего и хранѣ́теля.

Стѹх: Хвалѣ́те Егѡ́ во гла́се тру́бнем,/ хвалѣ́те Егѡ́ во псалти́ри и гѹ́слех.

Кѣ́ими похва́льными венцы́/ увязéм святѣ́теля?/ Благочéстѧ управлéние, целомѹ́дрѧ рачѣ́теля,/ свѣ́тлое Цéркве украше́ние,/ исто́чника Божéственных исцелéний,/ пролѣ́тие даровáний

духовных,/ реку́ многих чудес,/ землю́ нашу веселя́щу,/ дивнаго чудотворца Арсэ́ния,/ предста́теля на́шего и храните́ля.

Стѹх: Хвалите́ Егѡ в тимпа́не и ли́це,/ хвалите́ Егѡ во стру́нах и орга́не.

Кѣими́ духо́вными пѣ́снями/ похва́лим Арсэ́ния свяще́ннаго?/
Дивнаго в чудесе́х и Безплѣ́тным сожи́теля,/ освяще́ннаго от пелѣ́н,
столпа́ Це́ркви неподви́жима,/ весе́лие земли́ на́шей,/ ино́ком
люби́теля,/ я́ко вои́стинну отца́ чадолю́бива/ и больны́м врача́
безме́здна.

Стѹх: Хвалите́ Егѡ в кимва́лех доброгласных, хвалите́ Егѡ в кимва́лех
воскли́цания./ Вся́кое дыха́ние да хва́лит Го́спода.

Кѣими́ пѣ́сенными добро́тами/ ублажи́м Арсэ́ния досточу́днаго?/
Печа́льным утеше́ние, отча́янным засту́пника,/ ино́ком утвержде́ние,/
похвалу́ земли́ на́шей,/ святите́лем украше́ние,/ реку́ ми́лости
вои́стинну,/ Божѣ́ственного Христо́ва смире́ния ревни́теля,/
пода́ющаго ми́рови ве́лию ми́лость.

Сла́ва, глас 8: Прииди́те, стеце́мся вси к Божѣ́ственной па́мяти отца́
на́шего,/ изря́днаго чудотворца Арсэ́ния,/ сей бо, от ю́ности желáние
Божѣ́ственное в се́рдцы своѣ́м при́йм/ и возлю́бив Христа́ и
Пречи́стую Егѡ́ Ма́терь,/ Ё́йже и оби́тель сотвори́, и вельми́ украси́,/
и мно́жество мона́хов собра́./ Тем быв хри́столю́бвым князе́м
учи́тель пра́вый ве́ры,/ вельмо́жам твёрдое защи́щение,/ си́рым я́ко
оте́ц милосе́рд,/ вдови́цам тёплое заступле́ние,/ скорбя́щим
утеше́ние, боля́щим исцеле́ние./ Ра́дуйся и весели́ся, Бо́жия Ма́тере
це́рковь,/ я́ко люби́мый тобо́ю в тебе́ почи́л е́сть, Богому́дрый
Арсэ́ний./ Но, о Богоблаже́нный о́тче!/ Не преста́й моля́ся о ста́де
твоѣ́м/ и о всех, ве́рою чту́щих всечестно́е успе́ние твоѣ́.

И ны́не, Богоро́дичен: <см. основной Чин>

Изменяемое №15

Конда́к глас 8:

Я́ко богоявле́нная росси́йская звезда́,/ днесь, сия́я чудесе́ы,/ яви́лся
еси́, святите́лю Арсэ́ние./ Тем непреста́нно моли́ся Хри́сту́ Бо́гу о
ста́де твоѣ́м/ и сохраня́й оте́чество твоѣ́, град же и лю́ди,/ и́же ве́рою
почита́ющих честно́е пренесе́ние твоѣ́/ и к честны́м мо́щем твои́м
припа́дающих со стра́хом и любѡ́вию целу́ющих я́./ Да вси

велегласно зовём ти:/ радуйся, Богомудре святителю Арсение, отче наш.

<далее см. основной Чин>

На Литургии

Изменяемое №20

Прокимен, *глас 7*: Честна́ пред Го́сподем/ смерть преподо́бных Егó.

Стих: Что возда́м Госпо́деви о всех, яже воздаде́ ми?

Изменяемое №21

Аллилу́я, *глас 2*: Свяще́нницы Твои́ облеку́тся в пра́вду, и преподо́бнии Твои́ возра́дуются. *Стих*: Блаже́н муж, боя́йся Го́спода, в за́поведех Егó восхо́щет зело́.